

Nd.

68. Nefndarálit

um frv. til 1. um verðlagningu landbúnaðarafurða o. fl.

Frá minni hl. landbúnaðarnefndar.

Frumvarp þetta er samhljóða bráðabirgðalögum frá 20. ágúst sl. og hefur þegar komið til framkvæmda. Það felur í sér miklar breytingar til bóta á því skipulagi, sem ríkt hefur um verðlagningu og sölu landbúnaðarafurða. Í stað fjöglar nefnda, sem ráðið hafa yfir þessum málum, kemur ein 5 manna nefnd. Formaður hennar er nú forstöðumaður búreikningaskrifstofu ríkisins og með honum fjórir bændur, sinn úr hverjum landsfjórðungi, kosnir af búnaðarráði, sem er samkvæmt ákvæðum frumvarpsins nefnd 25 bænda og bændafulltrúa, er landbúnaðarráðherra velur til að fjalla um þau mál, sem í þessu sambandi koma til greina.

Landbúnaðarnefnd hefur rætt þetta frumvarp og samþykkt að fella inn í það efni viðaukabréðabirgðalaga frá 29. september. En um afgreiðslu málsins í heild er nefndin ekki sammála. Við undirritaðir leggjum til, að frumvarpið verði samþykkt án frekari breytinga, Barði Guðmundsson er hvorki með né móti, en þeir Bjarni Ásgeirsson og Jón Sigurðsson eru andvígir frumvarpinu og munu skila séráliti.

Alþingi, 26. okt. 1945.

Jón Pálason,
form., frsm. Sigurður Guðnason.